

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

**po Zahtjevu „Fabrika cementa Lukavac“ d.d. Lukavac, Lukavičkih brigada bb, 75 300
Lukavac o obavezi podnošenja prijave namjere koncentracije**

**Sarajevo
novembar, 2013. godine**



Broj: 01-26-7-025-2-I/13
Sarajevo, 13. novembar 2013. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja privrednog subjekta „Fabrika cementa Lukavac“ d.d. Lukavac, Lukavičkih brigada bb, 75 300 Lukavac, zaprimljenom dana 28. oktobra 2013. godine pod brojem: 01-26-7-025-I/13, Konkurencijsko vijeće Bosne i Hercegovine, na 71. (sedamdesetprvoj) sjednici održanoj dana 13. novembra 2013. godine, donijelo je

MIŠLJENJE

Privredni subjekt „Fabrika cementa Lukavac“ d.d. Lukavac, Lukavičkih brigada bb, 75 300 Lukavac, ID (..)**¹ (u daljem tekstu: Podnosilac zahtjeva ili FCL), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje stručnog mišljenja o obavezi podnošenja prijave namjere koncentracije, zaprimljen dana 28. oktobra 2013. godine pod brojem: 01-26-7-025-I/13.

Podnosilac zahtjeva u Zahtjevu navodi:

- da u svom vlasništvu ima dva privredna subjekta (koja obezbjeđuju sirovine za proizvodnju cementa) i to:
 - „Kamenolom Karabegovac“ d.o.o. za proizvodnju i promet kamenih agregata Doboje, Lipac bb, 74 000 Doboje, ID (..)**, je u (..)** % vlasništvu privrednog subjekta FCL. Osnovna registrovana djelatnost je proizvodnja kamena krečnjaka za potrebe privrednog subjekta FCL, a manjim dijelom za druge kupce lokalnog karaktera;
 - „Sočkovac“ a.d. društvo za eksploataciju i promet gline i pijeska, Sočkovački put bb, 74 317 Petrovo, ID (..)**, je u (..)** % vlasništvu privrednog subjekta FCL. Osnovne registrovane djelatnosti su proizvodnja gline i pijeska isključivo za potrebe FCL-a.
- da u cilju racionalizacije administrativnih troškova, bolje iskorišćenosti tehničkog osoblja i rudarskih mašina i opreme u pokretanju i održavanju rentabilnije proizvodnje i omogućavanja da kao jedinstveni privredni subjekt obezbijedi proizvodnju koja će pokriti troškove i obezbijediti pozitivno poslovanje, osnivač ovih društava planira izvršiti pripajanje privrednog subjekta „Sočkovac“ a.d. Sočkovac privrednom subjektu „Kamenolom Karabegovac“ d.o.o. Doboje.

U skladu sa navedenim, Podnosilac zahtjeva traži mišljenje da li pripajanje privrednog subjekta „Sočkovac“ a.d. Sočkovac privrednom subjektu „Kamenolom Karabegovac“ d.o.o. Doboje, podliježe obavezi prijave koncentracije, u smislu odredbi Zakona o konkurenciji.

Članom 12. stav (1) tačka a) Zakona o konkurenciji je propisano da se koncentracijom smatra spajanje ili pripajanje nezavisnih privrednih subjekata ili dijelova privrednih subjekata.

¹ (..)** - podaci predstavljaju poslovnu tajnu u smislu člana 38. Zakona o konkurenciji

U skladu sa naprijed navedenim, smatra se da privredni subjekt „Sočkovac“ a.d. Sočkovac i privredni subjekt „Kamenolom Karabegovac“ d.o.o. Dobož, nisu nezavisni privredni subjekti (nego povezana društva privrednog subjekta FCL), te se na iste ne primjenjuju odredbe člana 12. Zakona o konkurenciji.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Gordan Raspudić

Dostaviti:

- **Podnosiocu zahtjeva**
- **arhiv Konkurencijskog vijeća**

